

Q. F. F. Q. S.
THESES
PHILOSOPHICAE,
QUAS,
Consensu Ampliss. Facult. Philos. In Reg. Acad. Aboënsi,
PRAESIDE,
DN. PETRO KALM,
Oeconomiae PROFESS. Reg. & Ord. nec non Reg.
Acad. Scinet. Holm. & Societ. Litt. Upsal.
MEMBRO
PRO GRADU,
Publice ventilandas sistit
JOHANNES AVELLAN,
TAVASTENSIS.
In Audit. Majori Die VI. Jul. MDCCLVII.
H. A. M. S.

ABOAE, Impressit Direct. & Typogr. Reg. Magn. Duc.
Finland. JACOB MERCKELL.

-1-

D. D.

THESIS I.

Quum omnium scientiarum finis ultimus sit felicitas generis humani; quumque illae auxiliatrices sibi invicem praebeant manus, patet exinde, omnes scientias oeconomiae aliquid utilitatis adferre.

THES. II.

Inter has non minimum commendanda est Theologia, quae fundamentum ejus certo respectu merito dicenda est. Prout enim ad externum ordinem servandum caete-

-2-

ris omnibus plus confert, ita ad varias evitandas superstitiones viam pandit.

THES. III.

Unitas religionis in republica maxima quidem praerogativa esset; ubi tamen illa civium laborat inopia, ibi exoticas, observatis observandis, tolerari posse existimamus.

THES. IV.

Ad historiam naturalem quod adinet, illa, quo majora capit incrementa, eo majorem utilitatem oeconomiae adferre certo praesumitur.

THES. V.

Utpote sapientiae Divinae repugnat creare aliquid inutile, ita summam prodit insaniam naturae curiosis illam cum contemtu proponere quaestionem: cui bono?

THES. VI.

Quandoquidem studium Historicum naturae non modo inquirat in veras ideas

-3-

genericas & specificas, itemque vera rerum naturalium nomina; verum & omnes alias circumstantias, quae circa illa, sensibus observari possunt; adparet, quomodo illa adminicula maxime S. Scriptura interpreti profutura suppeditet, quae horum nominum accuratae interpretationi optime inserviant, ceu exemplo suo loca Matth. XXI, 19. Marc. XI, 13. comprobant.

THES. VII.

Simplicitati linguae Ebraeae illorum sententiam contrariari, qui חרייתים 2. Reg. VI, 25. pro planta accipiunt, cum Celeberrimo Celsio indubie adfirmamus.

THES. VIII.

Qui cum Euthymio φkr...daj Johanneas herbae cujusdam genus fuisse asseverant, ii utique a vero prorsus aberrare censendi sunt. *Nihil enim hac herba absurdius fingi potest* teste Bocharto in Hierozoico.

-4-

THES. IX.

De illis, qui per locustas has, aviculas & pisces in Jordane captos, intelligunt, & aliis qui „gkr...daj pro φkr...daj legentes, lagana fuisse statuunt, idem judicium esto.

THES. X.

Maxima difficultas ad dextre interpretenda loca Matth. XXI, 19. Marc. XI, 13. in eo sita est, quod Salvator dulcissimus dicatur quaevisse fructum in arbore, quum non esset kairōj sÚkwn, id quod absque ignorantia factum non esse aliquis existimaret.

THES. XI.

Qui autem ex Historia naturali edoctus arbores quasdam per hyemem interdum fertilitatis suae reliquias retinere & sin-

-5-

gulare quoddam sicuum genus בנות טוה dictum ejus esse indolis, ut grossulos quovis anno protrudat, ad maturitatem autem non nisi anno tertio perducatur, emphaticum illud Evangelistarum œcouσαν fÚlla in auxilium vocaverit, omnes dubitationis nebulas dispersas videbit.

THES. XII.

Ad studium Oeconomicum pro virili promovendum quemlibet obligari, tanto dilucidius patet, quo certius est, illud nos docere modum, quo quisque, quae ad vitam honeste sustentandam pertinent, sibi adquirere, & adquisita conservare debeat.

THES. XIII.

Avaritia licet fortassis primo intuitu oeconomiae amica cuiusdam videri posset; penitus tamen re considerata eidem inimica maxime a quovis judicabitur.

-6-

THES. XIV.

Licet antiquissimorum libri de utilissima Oecon. scientia agentes perdit sint, habentur tamen in Salomone & Siracide quaedam praecepta oeconomiae.

THES. XV.

Apud Romanos magni pretii oeconomia, praesertim agricultura, fuit, nimium tamen temporis bellis videntur consumpsisse.

THES. XVI.

Ab expeditionibus priscae gentis nostrae etiam arcessenda procul dubio est, caussa, cur tam parum oeconomiae fuerint dediti.

THES. XVII.

Leges, utpote nullius sunt utilitatis, nisi illis obedientia praestetur; ita etiam

-7-

illae, quae ad oeconomiam sublevandam sunt latae, adcuratam, ut eis obsecundetur, postulant inspectionem.

THES. XVIII.

Vitium itaque in iudicando committunt, qui illas salva conscientia violari posse existimant.

SOLI DEO GLORIA!!!

-8-